



Broj: 16-12-16-4292-<sup>18</sup> /17  
I. Sarajevo, ~~26.09~~ - 2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 69. stav (2) tačka d) i člana 70. st. (1), (2), (4) i (6) Zakona o javnim nabavkama ("Službeni glasnik BiH", broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-4292/17 od 20.09.2017. godine, u postupku javne nabavke usluga fiksne telefonije za potrebe Državne agencije za istrage i zaštitu, direktor Državne agencije za istrage i zaštitu, d o n o s i

## ODLUKU

o poništenju postupka javne nabavke za LOT 5 - Usluga fiksne telefonije u Mostaru

### Član 1.

Po Otvorenom postupku za dostavljanje ponuda za javnu nabavku usluga fiksne telefonije za potrebe Državne agencije za istrage i zaštitu, za koji je obavještenje o javnoj nabavci objavljeno na Portalu javnih nabavki broj 1161-1-2-485-3-42/17 od 11.07.2017. godine i u „Službenom glasniku BiH“ broj 51/17, poništava se postupak javne nabavke za LOT 5- Usluga fiksne telefonije u Mostaru, iz razloga što za LOT 5 nije primljena nijedna prihvatljiva ponuda.

### Član 2.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

### Član 3.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

### Član 4.

Ova odluka stupa na snagu danom donošenja.

## O b r a z l o ž e n j e

Postupak javne nabavke usluga fiksne telefonije za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-4292-1/17 od 03.07.2017. godine, putem otvorenog postupka, za koji je obavještenje o javnoj nabavci objavljeno na Portalu javnih nabavki broj 1161-1-2-485-3-42/17 od 11.07.2017. godine i u „Službenom glasniku BiH“ broj 51/17. Procijenjena vrijednost javne nabavke za period od tri godine je ukupno 249.900,00 KM bez uračunatog PDV-a, za šta su novčana sredstva predviđena u okviru budžetskih sredstava za 2017. godinu i Dokumenta okvirnog budžeta 2018.- 2020. godina. Predmet javne nabavke podijeljen je na lotove i to:

- LOT 1- Usluga fiksne telefonije u sjedištu Agencije u Istočnom Sarajevu, vrijednosti 139.700,00 KM bez uračunatog PDV-a;

- LOT 2 - Usluga fiksne telefonije van sjedišta Agencije u Istočnom Sarajevu, vrijednosti 14.300,00 KM bez uračunatog PDV-a;

- LOT 3- Usluga fiksne telefonije u Banja Luci, procijenjene vrijednosti 35.400,00 KM bez uračunatog PDV-a;

- LOT 4 - Usluga fiksne telefonije u Tuzli, procijenjene vrijednosti 28.800,00 KM bez uračunatog PDV-a;

- LOT 5 - Usluga fiksne telefonije u Mostaru, procijenjene vrijednosti 31.700,00 KM bez uračunatog PDV-a.

Komisija II za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-4292/17 od 20.09.2017. godine sa preporukom o izboru najpovoljnijeg ponuđača u postupku javne nabavke usluga fiksne telefonije za potrebe Agencije.

Obzirom da je tačkom 23. Tenderske dokumentacije navedeno da je rok za dostavljanje ponuda 03.08.2017. godine do 12,00 sati, te da se ponude dostavljaju u zatvorenoj koverti, Komisija je dana 03.08.2017. godine u 13,00 sati izvršila javno otvaranje ponuda prema datumu i vremenu prijema, numerišući kovertu. Javnom otvaranju ponuda prisustvovali su je ovlašteni predstavnici ponuđača „Blicnet“ d.o.o. Banja Luka, „EuroproNET Bosnia“ d.o.o. Sarajevo i „Mtel“ a.d Banja Luka.

Blagovremeno je dostavljeno ukupno pet ponuda i to:

RB	Naziv ponuđača	LOT	Vrijednost ponude (bez PDV-a)
1.	„Mtel“ a.d Banja Luka	LOT 1	121.498,20 KM
		LOT 2	12.063,60 KM
		LOT 3	28.443,60 KM
2.	„Blicnet“ d.o.o. Banja Luka	LOT 3	16.056,00 KM
3.	„EuroproNET Bosnia“ d.o.o. Sarajevo	LOT 1	73.080,00 KM
		LOT 2	8.343,36 KM
		LOT 3	20.502,00 KM
		LOT 4	21.240,00 KM
		LOT 5	13.334,00 KM
4.	„BH Telecom“ d.d. Sarajevo	LOT 4	24.876,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da je za LOT 5- Usluga fiksne telefonije u Mostaru, dostavljena jedna ponuda i to ponuda ponuđača „EuroproNET Bosnia“ d.o.o. Sarajevo, s tim što ista ne ispunjava tehničke uslove tačke 9. Tenderske dokumentacije. Naime, Komisija je utvrdila da ponuđač „EuroproNET Bosnia“ d.o.o. Sarajevo ne može obezbijediti uslugu fiksne telefonije na lokaciji u Mostaru (ulica Blajbuških žrtava bb), obzirom da ne posjeduje infrastrukturu u našem objektu, već ima tehničku mogućnost uspostave *navedene fizičke linije* putem optičkog linka u okviru predviđenog roka, na osnovu Ugovora o najmu i korištenju kapaciteta optičke infrastrukture, sa lokalnim provajderom, a to je „Mreža“ d.o.o. Mostar.

Obzirom na navedeno, Komisija je utvrdila da zbog postojeće infrastrukture, Agencija ne može dozvoliti prokopavanje i postavljanje nove optičke veze u Mostaru (ulica Blajbuških žrtava bb), te iz tog razloga Komisija ponudu ponuđača „EuroproNET Bosnia“ d.o.o. Sarajevo za LOT 5, nije dalje ni razmatrala ni vrednovala.

Cijeneći naprijed navedeno, uvažavajući preporuku iz Izvještaja o radu Komisije, odlučeno je da se postupak javne nabavke usluga fiksne telefonije za potrebe Agencije za LOT 5- Usluga fiksne telefonije u Mostaru, okonča donošenjem odluke o poništenju postupka javne nabavke u skladu sa odredbom člana 69. stav (2) tačka d) Zakona.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 4x,
- Sektoru za mat.-fin. poslove,
- a/a.

